

SIAYĖKEMACA SIABAI KĖOJĖNA KAYAYE KUI'NE JĖNA, PAIYE KAWESOSE'EPI SIAYE TUTU  
PAYE JAI TSUTSUPĖA OMETĖKANA

NUĖNEREPA SIA'WE'ŅA CAHUESOSE'E MAI PAI KĖKOPAYE

Kaya jĖna kou KĖna ometĖkawĖ sia'we'ņa sewojĖ kui'ne canĖowĖ si'aye pai paija'ņe tutukĖ'ye, ĭti kĖaye kato  
pai'ji iye ņese saiconi. Icona tsoe paikona ņajĖ, jaipai tsi'sisito kakua'i sĖņĖ ĭti toyapĖpĖ kĖawesojĖ'Ė sia'we'ņa,  
jamaka ņasiko paija'kore siapai, kui'ne kĖajĖ paija'cua'ire toyaja'o ye'yewe'ņaje, yeke pa'yea'Ė kajĖ ņaņeje  
peoye ĭ wa'i kuasajĖ nese'e yekĖ yeja pai.

Ja'a wĖoko

Kase'epi de'oye, kone kui'ne jeoņe payĖ jaje, sia'we'ņa ņase'erepare sa'nawĖ payĖ sia'yĖ'kĖ maka tutu, kui'ne  
sioma'ņerepare sia'pai tsĖkapĖ pai'ye.

Jaje paikĖta'a kuasayĖ ņama'ayepi kui'ne oima'ayepi, pa'iji sia'paire, japi ai jaiye ņese saniwesĖji pai pa'ijĖ  
kuasaye, kui'ne aijerepa kawesose'pi, jaje pa'ina kokase'e kayĖ de'oye pa'ie kui'ne de'oye pa'iyĖ kuasajĖ  
sewoye.

Jaje paise're yure kato ņasikua'irepa kui'ne kĖkopakua'i pa'ie pa'iji, kua'ye pa'ise'e jeoni paimakata'a pa'ie  
pa'iji nejo ma'kua'i.

Jamakata'a ņese de'oyerepa ņese saiĖ siwajĖ kui'ne pa'iyĖ yekĖwe'ņa ņasikua'irepa.

YekĖwe'na yejaņa kato de'oyerepa kuasani kuinaoni kanĖowesĖwĖ. Toya ja'wana pai tutukĖiwa'i paija'ne,  
de'oyerepa kui'ne iwa'irepa'Ė kajĖ, si'ayĖkĖmaka ėmĖowa'i kui'ne nomiowa'ije koni, tsoe jaje pa'ina  
jeowesowĖ ai jai kore, de'oye pa'iyerepare kasikua.

Iye kuasaye cato sewosikua kadĖowesĖja'core, oiyerepapi si'aye kuasajĖ, tsi'sisikua'ija're kawesĖ ja'ņe, si'aye

oiye kui'ne tutukē'yerepa pa'ija'ñe jamakata'a kuade'oye pa'ie pa'iji pal.

Iye kato kuasase'ea'ë si'aye tutupa'ie, jaje pa'ina iye kato ai de'oyerepa'ë iti ñese saija'ñere kuasajë  
sewowsëse'ea'ë.

Tsi'sini jai pai koka kako

Jëaye kawesoyë yure

Si'aye paj tutu pa'ie këawesosikua, ikore kato si'a daripëa kui'ne jaiwe'ñaje nesaoye pa'iji, te'owa'imañaje  
kui'ne kua'me kokaiwe'ñamañaje, ñese saye pa'iji de'oye kajë, jamakata'a si'adaripëa pa'ie pa'iji de'oye  
kui'ne yeja pa'ie cōni këkojë.

Te'o ako këaye.

Si'apai aide'oyë kua'ye peoye kui'ne siayë'kë maka pa'ie kui'ne tutupaye koni, jaje kuasase'sëtepi kuaju'i'ne  
peoye ñese saiye pa'iji kōkaijë yekë paireje.

Kayaye ako këaye

Si'a pai payë tutu kui'ne kua'ye peoye yure ikore ai jëaye kawesosido'ire, jaje pa'ina ña'ne peoji yekë paiña'ë  
kajë, iyeje pa'yere, paj, koka, iowa'i pa'ie, kuasaye, pani iyese'e kayepañë kuasia'ye pa'ye, kuri pa'ye,  
aideo'ye kui'ne kuasi'aye pa'ie.

Kui'ne yekeje pajakua'ia'ë kaye yeke iwa'i kuasayepi iyea'ë kajë aijaidaripëa sia'we'ñaje panije yeja paiñeje iti  
paipi kuasajë ne'ne pa'iji, jai daripëa kaye kato te'owaise're kañeje pa'yea'ë, iwa'ise'e kuasayepi nejë.

Toaso'ne ako këaye.

Teo'wa'ije payë de'oye tutu pa'ie, kua'ye peoyeje koni, kui'ne këcojë paj pa'ie.

Kajese'e ako këaye.

Si'awa'i pa'iye peoji kua'ye jëaye pa'ye kajë, kui'ne kua'ye yo'okuañuñeje peoji, iye kato ësesse'ea'ë sia'ye pa'ye.

Te'jëtë ako këaye.

Jare si'apai kua'ye yo'okuañoñe tipeoji, tē'caye, tseañe, wanijeañe panije ai kuaye pa'ye.

Te'e jëtë Ėjatupë këako.

Si'apai payë tutu, sia'we'ña kui'ne ñakuañuñeje pa'iji pai karepase'e pa'iye.

Ėjatupë kënope.

Si'apai pa'iyë sia'yë'këmaca kui'ne payë yekua'ia'ë kaye peoye, jaje pa'ina Si'awa'i payë tutu karepaye akëpai kë'ro. Jaje pa'ina maj tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'ñe.

Kayaye te'ejëtë ako këaye.

Si'a pai tutu payë de'oye pa'iyere kuasajë yekëwe'ña sañupe kajë, maj kase'pi kokaijakë kua'ye yo'oma'kuai'ni kajë mai tutu kë'ye paiye, jeje paina maire toyapëpëpi kakorepa pa'ijakë.

Te'e jëña Ėjatupë peoye këako.

Jare peoji mal tsea kuañuñe.

Kaya jëña ako këako.

Si'a pai payë deoye paiye, si'ayë'këmaka paiye, jamakata'a sia'we'ña asasaoye pa'iji kui'ne oirepayepi kua'ye paise'eje carojaiye pa'iji kui'ne kuañeñe paiji neñañe paiji kuasia'ye pa'ye iti kase'e sa'ñe pa'iye.

Kayajëña te'o ako këako

Si'a pai kua'ye yo'o sikua'i payë tutu iwa'i yo'ose'e jayuta'a iti ñati'añe pa'iji do'ikë'ye, iti kase'je paiye, kui'ne kaye paiji sia'we'ña jamaka kase'repa pa'iji tutu pa'ye.

Si'a pal peoji kua'ye paye painije siokuañuñe ja yuta'a ñati'ama'maka kato, jaje pa'iji tutu pa'ye yekë daripëa paiyeje. Jaje paina peoji maipi caye de'oye nede'waë'ëje pa'yere aijerepa kua'yena saiye peoye.

Kaya jëña kayaye ako këaye.

Mai teowa'i paiye kato peoji kaye kua'maña'ë kajë ñese kaye, mai tsëkapëreje, mai paiwe'ñaje panije ise'e pa'ito peoji kua'aye neñeje peoji ipi kuasakë pa'iye. Jaje pa'ina si'a paï payë de'oye pa'iye, jaje paina nejo jeoñe paiji kua'ye paise'e.

Kaya jëna kayaye te'o kako këaye.

Si 'a paï payë deoye daoye sia'we'ña kui'neje yeja pëañeje koni.

Si 'a pai payë tutu kuasi'adaripëa, ipaidaripë, jaje saisikëre ta'a ko'iye pa'iji i mai daripëna.

Kaya jëña Ėjatupë peoko ako këaye.

Kue'kua'i pa'ito, sia'pai payë tutu kë'ye payë katiye paiji kuasia'yejaña, jamaka siwajë pa'iye pa'ji iti ku'ase'e.

Iye pa'ye kato peoji sa'ñe kua'ye neñe, kua'ye payena, panije sa'ñe kayeje peoji yekë jaiwe'ña pai yejaña'ë kajë.

Kaya jëña yekë jëtë ako këaye.

Si 'a paije tutu payë pai paiyerepa

Jare peoji ëseye i pa'iwe'ña yeja akëre, yekeje tipeoji kaye yëkë pa'iñeje paijë'ë kajë.

Kaya jëña yekë jëtë te'o ako këaye.

Ĕmĕowa'i kui'ne nomiowa'i, jayuta'a ĕañawĕomakapi tsoe payĕ tutu, kaye peoji kaje paina'ĕ, iti pai'ĕ kajĕ wejaye, jamaka wejani siwajĕ pa'ie pa'iji kuineje pa'iji jeokoni de'oye pa'ie itibi jaje pa'ito.

Iwa'ise'e kuasajĕ kui'ne ĕjĕpaija'kĕpi kuasani wejaye pa'iji.

Paĭtsĕkapĕ Kato de'oye paiyere'pa'ĕ jaje paina ñacairepayĕ sia'we'ña akĕ pa'ije.

Kaya jĕña yekĕ jĕtĕkayaye ako kĕaye.

Si'a pai payĕ tutu pa'ie yeja, te'iwa'i kui'ne si'apai de'otsĕcapĕa.

Jare peoji yĕ'ĕ tsekua yeja kajĕ ĕseye.

Kaya jĕña yekĕ jĕtĕkayaye te'o ako kĕaye

Si'apai payĕ iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne koka kaye kuasia'ye sia'we'ña paiwe'ñana, panije te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jĕña yekĕ nĕkayo beoko ako kĕaye.

Te'owa'ije de'oye payĕ iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuañujĕ paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ñere.

Jĕña-nĕkañua

Si'awa'i te'owaise'e tsi'sini koka kaye payĕ kuasia'hue'ña.

Jare peoji kuañeñe yekĕ tsĕkapĕna tsioni paiye.

Jĕna-nĕkañua - te'o

Si'a pai payë tsiojaiye mai akërepa kë'ro, ikë'rorepana te'repapi paniye yekë paija're koni iti ñakëja're.

Si'a pai tutupayë si'ayëkëmaka paiye kua'me nedojaye mai paiwe'ña yeja.

Itidaripëa paikua'i kato payë sia'we'ña akua'i kayere, iye kato kokaiji kaji mai ëjaëwa'irepare mëojë saiye, iti mëoñe kato neñë yawese're, japi kokaiji de'oye karepayepi mëose'e.

Jëña-nëkañua kayaye

Si'a pai, ititsëkapëje paiwa'i payë kadëose'repare kuasi'aye kui'ne jaje pa'ina si'a akëpai kokaiye paiji, ja tutu do'ire kuasajë, jaje pa'ina tsoe kuasase'pi kuri pa'iye, kuasi'aye kui'ne maipaiye, iye kato mai kuasayepi nesaojë paiye paiji sia'yëkë maca pa'yepi .

Jëña-nëkañua toasoñe

Si'a pai payë kua'me nedojaiye kuasia'we'ña, iwa'i yëyepi tia'ñe paiji kua'meneñe, jaje paikëreta'a si'ayë'këmaka paipi, jaje paina kua'ju'iñe peoye kua'me newe'ña tra' ni, nejë pai'ye baiji, peokua'i pa'iye peoji.

Si'a pai payë kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payë kui'ne ja'ñe pa'yë, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsëcapëje deo'ye kuasajë baija'ñe, io paire kañeje paiye, yekebi karasiko pa'ito neti'añe pa'iji.

Si'a pai payë tutu iwai'pi kuasajë tsi'sini neñe, iwa'i yëyere.

Jëña-nëkañua Kajese'e

Si'a pai payë tutu kua pëawajëjë pa'iye, siwajë pa'iye ioja'ye kua'mene' ometëkawë tia'seja'ye kui'ne iye pa'iye kato sa'ñeñe pa'iji.

Jëña-nëkañua jëtëna

Si'a pai payë mai paiye kadëose'repare, iye pa'yere, mai pai, jujukaiwe'ña kui'ne de'oye paiye sia'ye, aq aiñe, kaña ju'iye, wë'ña pa'iye, juikua'ire jujukaiye kui'ne kuasia'ye, yeke payë kui'ne pa'ye kua'me newe'ña paiwe'ña peoye, juidawë, do'ima'pai, aipë maña, iyese'e paiyeje pani kuasia'ye iwa'i te'owa'i pa'iñeje pa'ye.

Kui'neje pa'ye etapë këiwa'i kui'ne tsi mana payë tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payë kui'ne pa'i tuture.

Jëña-nëkañua jëtëna te'o

Si'apai payë kui'neja'ñe totyaja'o ye'yeye. Toyaja'o ye'yeye kato peoji doiye ja'a ye'yehuëje pa'ye kato. Ja'a ye'yewëoye kato ai kuañeñe paijija'kua. Kui'ne toyaja'o nekaikua'repare kato ai jaiye nesaose'e pa'ijakua, kui'ne aijerepa aye toyaja'o ye' yeye kato' kui'ne paiji sia'waire, iq ai do'iko do'ire.

Toyaja'o ye'yeye kato mai pai de'oyerepa pa'ija'ñea'ë, jaje paina toyaja'o kato itirepa'ë sia'we'ña mai kua'ju'ijë pa'iye, de'oye pa'iyë kajë, paire sa'ñe oijë koka kaye, japi pa'ina maj ñese saiye pa'iji, siwajë.

Pëkaja'këpi ñani tseañe paiji toyaja'o ye'yeye i mamakëre kokaiyere kuasani.

Jëña-nëkañua jëtëna kayaye

Mai aipë ukujë paise'e sia paije payë ukuye mai pa'idaripëakë'ro, siwajë mai tsea'ë kuasajë kui'ne tideo'ye paito tia'ñepa'iji.

Si'a pai payë iwa'i yëyepi toyaja'o nesaoye, iwa'i kuasayepi, netijini jaiye toyapëpëa etosaoye, jaje paita'are te'owa'ise'e paye pa'iji iti toyapë akë.

Jëña-nëkañua jëtëna- toasone.

Iye maire carepawesose'e kato si'a pai tutu paye pa'iji yekë yejaña kë'roje ñase'repa, jaje paina itirepa pa'iye paiji iye.

Jěña-někañua jětěna kajese'e

Si'a pai payě maire kuañese'e mai pa'idaripě kě'ro, maipi de'oye nejě de'oye neto saji mai paiye.

Iye neñañekato mai kěkopayea'ě kui'ne siwajě paiye, kato sia'pai paija'kua'ia'ě toyapě akěpai kase'pi, itikato kaněose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyěre kajě sia'we'ña mai yěye pa'yere.

Iye tutukě'ye kato peoji yekua'ipi dekakaiye iti paiye kui'ne iti tsoe yekěwe'ñaje kase'e pa'ito.

Jěña-někañua jětěna.

Jare iye kawesosikore jare peoji yekě paipi iwa'i kuasayepi dani nejě neño'o kajě nedojaye, paije te'e pai dani iye kato akěpai tsea'ě kajě kuasia'ye nedojaiye peoji, iye kato tsoe kawesosikore.